

Ffair Nadolig Bethlehem

Cynhelir Ffair Nadolig Capel Bethlehem, Talybont am 7.00 o'r gloch, nos Fercher, Tachwedd 28. Bydd croeso cynnes i bawb.

Ffair Nadolig Capel Coch

Cynhelir Ffair Nadolig Capel Coch am 2.00 o'r gloch ddydd Mawrth, Tachwedd 27. Bydd amryw o stondiau, a derbynnir rhoddion neu nwyddau ar gyfer hamperi ac ati. Byddwn yn falch o gyfraniadau at y stondinau cacennau, planhigion, addurniadau Nadolig, tegannau a thlwsdlysau mewn cyflwr da.

Nid oes angen llyfrau na bric a brac (neu nwyddau ail law) y tro hwn.

Y pris mynediad fydd £1 (yn cynnwys paned a bisged); a bydd yr elw cyfan at Gronfa'r Capel.

Agor y Llyfr

Roedd criw Agor y Llyfr Deiniolen yn Ysgol Gwaun Gynfi ddydd Gwener yn cyflwyno'r stori ddiweddaraf i'r plant. Diolch am y croeso.

Y mis nesaf - Deiniolen

Tachwedd 18

5.00 p.m. - Y Gweinidog

Tachwedd 25

5.00 p.m. - Y Parchg Geraint Roberts

Rhagfyr 2

3.30 p.m. - Y Gweinidog

Cyhoeddiadau

CEFNYWAUN AC EBENESER

Sul, Tachwedd 18: Gwasanaethir am 5.00 o'r gloch yn Nhŷ Elidir gan y Gweinidog.

CAPEL COCH A NANT PADARN

Bore Mwrth, Tachwedd 13: Bore Coffi er budd Cronfa Adnoddau'r Capel rhwng 10.45 a 12.00 o'r gloch.

Sul, Tachwedd 18: Gwasanaethir am 10.00 o'r gloch gan Mr Dafydd Iwan. Bydd yr Ysgol Sul am 11.15 o'r gloch.

CARMEL

Dydd Llun, Tachwedd 12: Dosbarth Gwau am 2.00 o'r gloch.

Nos Wener, Tachwedd 16: Cynhelir cyfarfod Dwylo Prysus am 6.30 o'r gloch.

Sul, Tachwedd 18: Ysgol Sul am 10.30 o'r gloch. Gwasanaethir am 5.00 o'r gloch gan Mr Dafydd Iwan.

BETHLEHEM

Dydd Iau, Tachwedd 15: Bwrlwm am 2.15 o'r gloch.

Sul, Tachwedd 18: Bydd yr Ysgol Sul am 10.00 o'r gloch. Gwasanaethir am 2.00 o'r gloch gan y Parchg R O Jones, Gaerwen.

REHOBOTH

Sul, Tachwedd 18: Ni chynhelir oedfa.

Y mis nesaf - Llanberis

Tachwedd 18

10.00 a.m. - Mr Dafydd Iwan
11.15 a.m. - Ysgol Sul

Tachwedd 25

10.30 a.m. - Oedfa Deulu

Rhagfyr 2

10.00 a.m. - Y Parchg G Williams
11.15 a.m. - Ysgol Sul
5.00 p.m. - Parti Bytholwyrdd

Gofalaeth Fro'r
Llechen Las

Rhif 774
11 Tachwedd, 2018
Gronyn

GŴYL
CERDD
DANT

Dim cytadleuaeth o gwbl

Ddoe, yr oedd yr Ŵyl Cerdd Dant ym Mlaenau Ffestiniog. Unwaith eto, crystal oedd y safon fel nad oedd fawr neb yn eiddigeddus o'r beirniaid oedd yn gorfod dewis enillwyr. Mor aml y dywedir mai chwaeth y beirniad sy'n gyfrifol am ddyfarnu'r gwobrau mewn gŵyl ac eisteddfod. Cawn ein hatgoffa o hyn pan fo 'beirniaid answyddogol' ar radio a theledu yn anghytuno â'r feirniadaeth swyddogol oddi ar lwyfan yr ŵyl. Weithiau fodd bynnag, bydd y gynulleidfa a'r beirniaid yn gwbl sicr o'r enillydd am fod perfformiad parti neu unigolyn ben ac ysgwydd uwch ei safon na'r gweddill. Tybed pa mor aml y digwyddodd hynny ddoe?

Weithiau, mewn gŵyl ac eisteddfod, fel ar y maes chwarae, mae'r canlyniad yn amlwg cyn dechrau'r ornest am fod un o'r cystadleuwyr yn amlwg yn fwy profiadol ac yn well na neb arall. Ond hyd yn oed mewn cystadleuaeth felly, mae'n bosibl i'r annisgwyl ddigwydd wrth i'r ffeifryn wneud camgymeriad ac i rywun neu rywrai eraill ddisgleirio.

Synnwn i ddim nad yw aelodau tîm rygbi Cymru dros y degawd diwethaf wedi teimlo ar brydiau nad oedd obaith trechu tîm Awstralia gan mai colli fu eu hanes bob gafael yn y gemau rhwng y ddwy wlad. Ond, dal i gystadlu wnaethon nhw yn y gobaith y deuai tro ar fyd. Ac wedi'r hir aros, fe ddaeth hwnnw ddoe, a thîm Cymru o'r diwedd yn ennill gêm yn erbyn gwŷr y crysau euraidd. Am flynyddoedd, doedd hi fawr o gystadleuaeth, a phawb fwy neu

lai'n gwybod pwy fyddai'n ennill. Ac eto, rhan o ramant byd chwaraeon yw ei bod yn bosibl i'r cedyrn faglu ac i ambell Ddafydd drechu Goliath o wrthwynebwyr.

Yn ferch ifanc, roedd Ann Griffiths yr emynyddes, yn ôl ei thystiolaeth ei hun yn ceisio hwyl a mwynhad yn y pethau a oedd yn naturiol yn denu pobl ei chyfnod. Ond daeth newid byd gyda'r droedigaeth a ddaeth â hi i adnabod Iesu Grist yn Waredwr ac Arglwydd. Ac o ganlyniad, yn un o'i hemynau mwyaf cyfarwydd gall ddweud:

'Beth sydd imi mwy a wnelwyf ag eilunod gwael y llawr?

Tystio 'rwyf nad yw eu cwmni i'w gystadlu â'm Iesu mawr'.

Iddi hi, nid oedd gystadleuaeth gan nad oedd neb tebyg i Iesu. Roedd Ann yn cydnabod nad oedd hi wedi deall y cyfan amdano:

'er mai o ran yr wy'n adnabod ei fod uwchlaw gwrthrychau'r byd'.

Ond yr oedd yr hyn a wyddai yn fwy na digon i ddangos iddi na fedrai dim na neb gymharu â'r Iesu y daethai i gredu ynddo a'i garu. Oherwydd

'ar ddeng mil y mae'n rhagori o wrthrychau penna'r byd'.

Ai felly y gwelwn ni bethau? Ydi Iesu Grist yn fwy, yn well, yn harddach, yn odidocach na dim na neb? Neu ydym ni'n dal gafael mewn eilunod ac yn profi siom a gofid wrth fynnu gwneud hynny? Does yna neb na dim, a fydd yna fyth neb na dim all gystadlu ag ef.

Gofalaeth Fro'r Llechen Las

Cefnywaun (P), Deiniolen
Ebeneser (A), Deiniolen
Capel Coch (P), Llanberis
Nant Padarn A), Llanberis
Rehoboth (P), Nant Peris
Bethlehem (A), Talybont
Carmel (A), Llanllechid

Gweinidog: Y Parchg John Pritchard
Cilfynydd, Llanberis, Gwynedd
Ffôn: 01286 872390
e-bost: john.cilfynydd@btinternet.com

Gwefan yr Ofalaeth:
gronyn.wordpress.com
neu gronyn.org

Heddiw

Gwasanaethir yn Capel Coch am 10.00 a 5.00 o'r gloch gan y Gweinidog. Bydd yr Ysgol Sul am 11.15 o'r gloch.

Gwasanaethir yn Neiniolen am 5.00 o'r gloch gan Mr Robert Morris, Penygroes. Yn Nhŷ Elidir y mae'r oedfa.

Bydd yr Ysgol Sul yn Llanllechid am 10.30 o'r gloch. Gwasanaethir am 5.00 o'r gloch gan y Parchg Gwyndaf Jones.

Bydd yr Ysgol Sul yn Nhalybont am 10.00 o'r gloch. Gwasanaethir am 2.00 o'r gloch gan y Gweinidog.

Nid oes oedfa yn Nant Peris.

Sul y Cofio

Ar Sul y Cofio, gweddiwn dros bawb sy'n parhau i alaru am anwyliaid a gollwyd yn rhyfeloedd ddoe a heddiw. Gweddiwn y daw heddwch i'r manau hynny sy'n dioddef rhyfel a'i effeithiau. Gweddiwn y caiff pobl sy'n ymladd heddiw eu cymodi â'i gilydd. Gweddiwn

Balm o Salm



'Y mae fy nghalon yn gadarn, O Dduw; fe ganaf, a rhoi mawl. Deffro, fy enaid. Deffro di, nabl a thelyn. Fe ddeffroaf ar doriad gwawr. Rhof ddiolch i ti, O ARGLWYDD, ymysg y bobloedd, a chanmolaf di ymysg y cenhedloedd, oherwydd y mae dy gariad yn ymestyn hyd y nefoedd, a'th wirionedd hyd y cymylau ... Pwy a'm dwg i'r ddinas gaerog? Pwy a'm harwain i Edom? Onid ti, O Dduw, er iti'n gwrthod, a pheidio â mynd allan gyda'n byddinoedd? Rho inni gymorth rhag y gelyn, oherwydd ofer yw ymward dynol. Gyda Duw fe wnawn wrhydri; ef fydd yn sathru ein gelynyon' (Salm 108:1-4; 10-13).

dros bawb sy'n gweini ar y rhai sydd wedi dioddef yng nghanol yr holl frwydro a lladd. Boed i nerth a gras Duw eu galluogi i estyn pob cymorth posibl i bobl sy'n dioddef mewn ffyrdd na allwn ni eu dychmygu..

Ebeneser, Deiniolen

Erbyn hyn gallwn gadarnhau fod y broses gyfreithiol o werthu adeiladau Ebeneser wedi ei chwblhau.

Y perchnogion newydd yw Mr a Mrs Philip Owen, o Dregarth.

Roeddem wedi trefnu i aelodau Ebeneser gael cyfle i ddod i'r festri i weld eitemau y bwriedir cael gwared arnynt neu eu gwerthu. Y dyddiadau dan sylw oedd 9 a 10 Tachwedd. Ond am resymau cyfreithiol oedd tu hwnt i'n rheolaeth, bu'n rhaid gohirio'r ddau gyfarfod yma. Cysylltir ag aelodau Ebeneser mor fuan â phosibl i roi diweddariad iddynt ynglyn â hyn.

Yn y cyfamser, os oes gan unrhyw aelod o Ebeneser neu Cefnywaun allwedd i ddrws y festri, dylid ei ddychwelyd ar

fynder i Mr Gwyn Parri (Ysgrifennydd Cyffredinol Ebeneser; rhif ffôn – 01286 871330.

Rehoboth

Yn Rehoboth, Nant Peris y Sul diwethaf, cafwyd pleidlais unfrydol o blaid y 'datganiad o fwriad' i uno ag eglwys Capel Coch. Gwnaed y penderfyniad hwnnw gan wybod y bydd adnoddau'r eglwys (yn fuddsoddiadau ac arian gwerthiant y capel) yn cael eu cadw yn lleol.

Yn ôl rheolau mwyaf diweddar Eglwys Bresbyteraidd Cymru, mae dau gam arall i'w cymryd.

Yn gyntaf, mae angen i aelodau Capel Coch 'ddatgan bwriad' i dderbyn aelodau Rehoboth ac uno'r ddwy eglwys. Caiff hynny ei egluro yn yr oedfaon heddiw, a bwriedir cynnal pleidlais yn Capel Coch fore Sul nesaf. Yr Henaduriaeth fydd yn trefnu'r bleidlais.

O gymryd yn ganiataol y bydd aelodau Capel Coch yn pleidleisio o blaid hyn, bydd angen i'r ddwy eglwys wedyn bleidleisio yn ffurfiol o blaid yr uno. Byddai'r bleidlais honno ddydd Sul, Rhagfyr 2, yn y bore yn Capel Coch ac yn y prynhawn yn Rehoboth. Bydd pleidleisiau'r ddwy eglwys yn cael eu cyfrif gyda'i gilydd yn hytrach nag ar wahân.

Cartref newydd eglwys Deiniolen

O heddiw ymlaen bydd oedfaon eglwys Cefnywaun ac Ebeneser yn cael eu cynnal yn y Llyfrgell yn Nhŷ Elidir.

Diolchwn am y croeso yno, ac edrychwn ymlaen at barhau i gydaddoli yn ôl ein harfer. Nid y ni yw'r eglwys cyntaf i gyfarfod mewn adeilad heblaw capel neu

eglwys. Cofiw'n mai mewn cartref a sguor ac ati y dechreuodd llawer o'n heglwys, ac mae yna eglwys heddiw sy'n cyfarfod mewn neuaddau pentref neu ysgolion. Gweddiwn y bydd Duw yn ein harwain a'n bendithio wrth i ni fentro i gyfeiriad newydd.

Cofion

Anfonwn ein cofion cynhesaf at ein holl aelodau sydd heb fod yn dda ar hyn o bryd. Mae rhai yn yr ysbyty ac eraill gartref ar ôl cyfnod yn yr ysbyty. Mae eraill yn wael gartref. Dymunwn y gorau iddynt, ac anfonwn ein cofion hefyd at bawb sydd mewn cartref preswyl neu gartref nyrsio yn derbyn gofal.

Henaduriaeth

Cynhelir cyfarfod arbennig Henaduriaeth Arfon yng nghapel Seilo, caernarfon nos Fercher, Tachwedd 14.

Bocsus esgidiau Teams 4 U

Bydd cyfle eleni eto i anfon anrhegion Nadolig mewn bocs esgidiau i blant mewn gwledydd tramor. Eleni, bydd y bocsus yn cael eu hanfon at blant a phobl ifanc a theuluoedd yn Romania, Belarws, Bosnia a'r Wcraïn. Mae taflenni ar gael sy'n egluro beth ellir ei roi yn y bocs ac ar gyfer pa oedran. Cofiwch fod modd gwneud bocs ar gyfer teulu yn hytrach na phlentyn unigol.

Bydd angen i'r cwbl fod yn barod erbyn nos Sul, Tachwedd 18, mewn pryd i'w danfon i Gyffordd Llandudno yr wythnos honno. Am ragor o fanylion, cysylltwch â'r Gweinidog.

Bore Coffi

Cynhelir y Bore Coffi misol yn Capel Coch rhwng 10.45 a 12.00 o'r gloch ddydd Mawrth, Tachwedd 13.